

NOVA
PLANTARUM
AMERICANARUM
GENERA,

Authore P. CAROLO PLUMIER Ordinis
Minimorum in Provincia Franciæ, & apud Insulas
Americanas Botanico Regio.



PARISIIS,
Apud JOANNEM BOUDOT, Regis & Regiæ Scientiarum
Academiæ Typographum, via Jacobæ, ad Solem Aureum.

M. DCCIII.

CUM PRIVILEGIO REGIS.

CORTUSA.

Tab. 8.

Cortusa est plantæ genus flore A polyperalo, anomalo, ex quinque scilicet petalis inæqualibus & dissimilibus constante. Ex cujus calyce D E surgit pistillum F, quod deinde abit in fructum G ovatum, carnosum, ossiculo foetum H I, in duo loculamenta diviso K, semine foeta tenui & oblongo L.

Cortusæ unicam agnovi speciem.

Cortusa arundinacea, amplis cannaçori foliis.

Ricob. de
Gynn. Pa-
tav. &
Thuanus in
Gynn. Pa-
tav.

Jacobus Antonius Cortusus, præter generis nobilitatem, sibi decus & ornamentum suis ipsius studiis ac virtutibus comparavit. Semper enim fuit studiosus quam qui maxime; ac tametsi Medicinam numquam professus est, tantopere tamen simplicium medicamentorum cognitione est delectatus, & herbarum omnium, fruticum, arborum vires tam exacte cognovit, ut qui hujus rei peritior suis temporibus fuerit nominari posse nemo videatur. Obiit anno 1593. nullo Opere edito, nisi Catalogo plantarum Horti Patavini, italice Venetiis excuso.

ALPINA.

Tab. 11.

Alpina est plantæ genus flore A monopetalo, anomalo, tubulato, perforato, tri-fido, petalum intus continente, cujus pars anterior A A excavata & alata, posterior vero in annulum desinit pistillo C floris trajectum. Calyx autem D abit in fructum E ovatum, carnosum, trifariam ab apice ad basim dehiscens F, seminibusque foetum H, tenuibus capillamentis placentæ affixis G.

Alpinæ unicam speciem agnovi. Plurimæ tamen insunt plantæ apud Americanas Insulas nascentes, floribus & fructibus ei affines.

Alpina racemosa alba, cannaçori foliis.

Linden. 72.
nov. 925.

Prosper Alpinus natus est Marostica, Oppido ad montium vincetorum radices amæno, an. 1553. patre Francisco Alpino, Medico sui temporis insigni. Nactis Patavii an. 1578. Medicinæ Doctores insignibus, biennio post, simplicium exoticorum indagandorum gratia 1580. Venetiis solvens, in Ægyptum trajecit,

ibique per triennium commoratus, Venetias rediit, & paulopost Genuæ, ab ejus Reipublicæ Principe, Joanne Andræ Auria, ad propriæ valetudinis custodiam accersitus, medicam artem feliciter exercuit. Plantas rariores, quas aut in Aegypto ipse observaverat, aut ex Creta, & aliunde ab Hieronimo Capello, & Nicolao Centareno, Senatoribus amplissimis, acceperat, descripsit ac depingi curavit. Multos Tractatus, tum Medicinæ, tum Botanices, ipse, aut filius ejus Alpinus Alpinus post eum, in lucem edidit. Vivere desiit an. 1616. ætat. 63.

GESNERA.

Gesnera est plantæ genus flore A monopetalo, personato, anomalo; ex calyce autem C surgit pistillum posticæ floris parti ad instar clavi infixum. Calyx autem abit deinde in fructum D membranaceum, coronatum, in duo loculamenta divisum E, & feminibus foetum exiguis F. Tab. 91

Gesneræ species sunt.

Gesnera humilis, flore flavescente.

Gesnera arborescens, amplo flore fimbriato & maculoso.

Gesnera amplo digitalis folio tomentoso.

Conradus Gesnerus Tiguri Helvet. an. 1516. natus, vir publicum bonum juvandi adeo studiosus, totius Historiæ naturalis parens, ac veluti promptuarium, primus omnium veram aperuit viam ad plantarum cognitionem assequendam, Generum adjumento. In nulla naturæ rerum parte diligentius est versatus, nulli plus temporis & operæ impendit, quam plantarum cognitioni; etenim adolescens, aut potius puer ab Avunculo Joanne Friccio, rei herbariæ perito, ad hoc studium assuefactus est, quod deinde semper amavit. Quantis laboribus sudaverit, declarant immensa ejus Opera, quorum tamen, proh dolor! perierunt multa. Mortuus est in Musæo suo, quo paulo ante quam expiraret, reduci voluit, lue pestifera quæ Tiguri grassabatur, correptus, an. 1565. ætatis 49. Adam.

